



MEMORIA 2016

INTXAURRONDO
KULTUR ETXEA



INTXAURRONDO

Kultur Etxea



Doctor Deseo

Intxaurreondo Kultur Etxea **musika** arloan dago espezializatuta eta zuzeneko kontzertuei dagokienean erreferente nagusienetakoa da hirian. 2016an, zehazki, **25 kontzertu** eskaini ziren; hiru emanaldi hileko, eta bertan izan ziren, besteak beste, **Outa Sittes, Tulsa, Cycle, Flamin Grooves + Roy Loney, Doctor Deseo** (sarrerak agortuta bi saioetan), **Damien Jurado, Pil** (Public Image Ltd), **Capsula, Jupiter Jon, Paul Collins, Nothing Places, Alice Francis, Allah-las, Nada Surf, Laura Cox, Zea Mays** eta **Was**.

2014an abiatutako prestakuntza, sorkuntza eta zabalkunde helburuei jarraitu zien eta 2015eko irailean

abiatutako **Musikagela** zerbitzua egonkortu egin zen 2016an. Bost gela intsonorizatu ziren bertan eta zerbitzu honen bitartez bertako taldeek entsegu lokalak dituzte eskuragarri; bai hileko alokairua ordaintzen dutenentzat zein egoitza-egonaldi gisa bisitatzen dutenentzat. 2016an, gainera, ekimenarekin lotutako jarduera anitz antolatu ziren eta harrera ezin hobeia izan zuten: **VI. Musikagela Weekend** jaialdia ospatu zen lehenbizikoz Intxaurreondon eta bertan jardun zuten Luke Armstrong, Sky Beats eta Howdy taldeak; publiko zabala biltzea lortu zutenak. Guztira 350-400 bat pertsona bildu ziren. Hainbat master class ere antolatu ziren; **Ariel Rot**,



Musikagela

Diego Garcia El Twanguero eta **Jean Marie Ecay** artistekin. Azken hori Musikari Euskal Herriko Musikarien Elkartearekin elkarlanean.

Bada aipamen berezia merezi duen beste oinarritzko arloa Intxaurreondon, **Liburutegian komikigintzari** ematen zaion bultzada, hain zuzen. Urteik urtera handitzen doa komiki bilduma eta, ildo horretan, eskaintza gaurkotua izatea lortu da. Donostian erreferente bihurtu da dagoeneko, Komikiarenganako erakarpene sustatuz. Horretarako, bildumaz gain, literatur zein komiki solasaldiak antolatu ohi dira ikasturtean zehar.

Urtean zehar jarduera eta egitasmoak ugari antolatu ohi dira, asji auzoko eragileekin elkar lanean eta dagoeneko errotuta daudenak. Horietako batzuk izan ziren, esate



Dkluba. Alice Francis



Emakumeen Astea: Emakume ausartak

baterako, **Emakumeen Astea, XXII. Ibiltarien Astea**, edo **Extremadurako Kultur Astea**. 2016an, Emakumeen astean, adibidez, **Amparo Sanchez** izan zen eta **Amama** filma edota **Ausartak** antzerki taldea izan genituen gure artean. Ibiltarien Astean berriz **Mikel Labayen** eta **Naiara Agiñako**, eta **Juan Vallejo**ren lanak izan ziren. Auzotarren lankidetzari esker eginiko ekimena aukera paregabea izan zen munduko hainbat herrialde ezagutzeko.

V. Intxaurrondo Eguna ere ezin ahaztu. Intxaurrondo oso auzo zabala denez, egitasmoaren helburua auzoaren alde ezberdinak batzea da, eta 2016an Sagastiederren egin zen. Eguna antolatzerako ezinbestekoa izan zen auzotarren lankidetzeta eta konplizitatea, eta jarduerak urtetik urtera izan duen harrera ona ikusita, aurrera jarraitzeko asmoa sendotu egin da.

Olatu Talka, Antzerki Feria, Izarrak plazara, Giza Eskubideen Zinemaldia eta **Poltsiko Antzerki Jaialdiak** eta antzeko ekimenek beren lekua izan zuten auzoan.

Bestalde, azpimarratzekoa da ere eguneroko jardunean kultur etxean txertatuta dauden hainbat zerbitzu, **+55, Gaztelekua, Haurtxokoa**, hain zuzen ere. Eta horiei esker kultur etxeko jardunaren harrera asko zabalduta zen. Haurtxokoa eta Gazteleku zerbitzuei dagokienez, ekimen ugari egin zituzten, bai egunerokoan zein epe luzeko proiektuetan parte hartuz; horien artean, **Gure Baratza, Birziklatuz, Clown, Batukada** edota **Adin gutien topaleku!** izeneko

egitasmoak; Cristina Enea, Educo, +55 eta Txararekin elkarlanean buruturikoak.

Eta, Plus 55 zerbitzuaren bitartez berriz, aurten 18 jarduera egin dira eta 2154 pertsonak hartu dute parte horietan. Besteak beste, aurten berria izan den "Larunbatak Dantzan" egitasmoaren barruan egindako lau saiotan. Edota Clown ikastaro arrakastatsuan.



Tomasen abenturak



Ibiltarien XXII. Astea



INTXAURRONDO

Kultur Etxea

JARDUERAK		
	KOPURUA	ERABILTZAILEAK
GUZTIRA	161	16.385
Antzerkia	14	2.358
Bideoa	2	120
Musika	32	3.953
Hitzaldiak	5	647
Erakusketak	8	3.066
Bilerak eta elkarten ekitaldiak	55	4.910
Areto alokairuak	1	20
Liburutegiko jarduerak	44	1.311

ZERBITZUAK		
	KOPURUA	ERABILTZAILEAK
GUZTIRA	65	85.510
Liburutegiko bisitariak		71.799
Haurtxokoa	12	4.286
Gaztelekua	12	6.086
Plus 55	20	1.550
Musikagela	21	2.789



Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	16	201	5	48	11	153
2016/17 ikastaroak	16	233	4	44	12	189

Formación **HOMBRES**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	15	67	5	25	10	42
2016/17 ikastaroak	13	125	4	27	9	98

BISITARIAK GUZTIRA: 135.229